

Ha il Grischun avunda magisters qualifitgads?

■ (anr/vi) Pliras scolas en Svizra han da schuffa da chattar avunda scolasts qualifitgads. Co statti en il Grischun? Quai vul la deputada Cornelia Märchy-Caduff (pcd/Razén) savair oz en l'ura da dumondas en il cussegl grond.

Questa primavaira ha ina retschertga tar ils manaders da scola en Svizra mussà che tschertas scolas èn anc adina sfurzadas dad engaschar scolasts che n'han betg ina furmaziun suffizienta. Era las medias svizas han rapportà davart problems d'occupar plazzas en scola, di Märchy a l'anr. Perquai vul ella oz savair da la regenza sch'i dettia er en noss chantun clasas che vegnian instruidas da scolasts che na possedan betg ina furmaziun che correspunda al stgalim. Plinavant vul Mär-

chy s'infurmar sch'i dat avunda pedagogics curativs.

La deputada è sezza magistra a Domat ed ella ha fatg stim durant conferenzas da scolasts che la magistraglia grischuna vegn pli e pli veglia. Sin quest fenomen vul ella medemamain far attent. Tenor l'Uffizi federal da statistica vegnan il 2017 pensiunads sin il stgalim primar 17 pertschient dapli magisters e sin il stgalim secundar 5,5 pertschient dapli che uschiglio.

Sch'ins resguardia anc che dapli dunas lavurian sco magistras e che lezzas hajan savens be pensums parzials saja da temair che la stgarsezza da magisters da ventia acuta er en noss chantun, di Märchy.



Era las scolas grischunas han da sbatter cun ina munconza da magistras e magisters qualifitgads per lur stgalim.